



Аманжолов жайлы материалдар жоқтың қасы. Ал Қазақстанның Ұлттық кітапханасы сайтынан (ulu.p1gk.kz) Қасымның кітабы түгілі, ақын туралы бір ақпарат таба алмайсыз. Дауылпаз ақын жайлы барлық кітапханалар топтама әзірлеуі міндетті емес, эрине. Алайда, ұлттық және облыстық ірі кітапханалар интернет-ресурстарында дархан дарын иесі жайлы мәлімет беріп жатса, игі емес пе?!

Тіпті Қасым Аманжоловтың

Қасымның кітапханасы ашылды

Жаңа медиа технологиялар дамыған сайын кітаптарды цифрлау және оқырмандар үшін интернетке енгізу заман талабы болып отыр. Осы орайда, жақында аймақтық Н.Гоголь атындағы кітапхана ұйымдастыруымен «Қыран қанатты ақын» атты веб-топтама әзірленді (www.karlib.kz/kasym). Әлемторға жол тартқан бұл веб жоба - Қазақ Тәуелсіздігінің 20 жылдығы мен дауылпаз ақын Қ.Аманжоловтың ғасырлық тойына тарту болмақ.

Осы веб-топтама негізінде «Қазақ жырының алдаспаны» деген Қасымның виртуалды кітапханасы ашылды. Жанартау ақынның өмірі мен шығармашылығына қатысты бірқатар кітаптар цифрлаудан өткізілді. Яғни, Қасымның кітаптары һәм ақын жайлы материалдар электронды нұсқада «сайрап» тұр. Оның ішінде қолжазбалар мен сирек кездесетін дүниелер тағы бар. Демек, ғаламтор арқылы кез келген жерде отырып, ақын кітаптары мен мақалаларының электронды көшірмелерімен таныса аласыз. Сондай-ақ, Қ.Аманжоловтың е-кітаптарын компьютеріңізге тегін жүктей алатындай мүмкіндік бар.

Әрине, отыздан аса кітапты әрі мыңдаған бетті цифрлау, оның pdf-нұсқасын жасау еріккеннің ермегі емес. Өте үлкен қажырлы еңбек. Сондықтан, виртуалды кітапхананың мақсаты - жаңалыққа жаны құштар өскелең ұрпақтың зердесіне сәуле түсіріп, намысын ояту болса керек.

Біздіңше, еліміздегі он екі мың кітапхананың біреуі де қолға алмаған жұмысты - ғылыми-әмбебап кітапхана мойнына алғандай. Мәселен, ұлттық электрондық кітапханада (www.kazneb.kz) Қасым

есімі берілетін Қарқаралының орталықтандырылған кітапханасы сайтынан (www.karkaralinsk.kz) көрнекті ақын хақында мардымды ақпарат ала алмайсыз. Оқырмандар үшін библиографиялық көрсеткіштің өзі жоқ. «Қасым Аманжолов - қазақ совет поэзиясының асқар биіктерінің бірі» деп қана қоймай, интернеттегі тегін рефератты (қатесімен бірге) сайттарына «жапсыра» салған. «Дайын асқа тік қасық» дерсіз мұндайда. Кітапхана Чехов, Гоголь мен Толстойдың орнын Қасымға қия алмай отырғанын да сайттан байқау қиын емес. Болашақта бұндай олқылықтарға жол берілмесе екен...

Облыстың ғылыми-әмбебап кітапханасында осындай серпінді жобалар жүзеге асып жатыр. Виртуалды кітапхананың электронды қоры әлі де толықтырылады. Авторлық құқықты ескере отырып, кейбір кітаптардың тек мазмұны мен алғы сөзі ұсынылады. Келешекте Алаштың Қасымына арналған танымдық компакт-диск әзірлеу және электронды-тақырыпты папка дайындау жоспарланған екен. Орайы келгенде, кітапхана басшысы, қасымтану жанашыры Дина Базарбайқызының және өлкетану бөлімі мен цифрлау лабораториясының меңгерушісі Сандуғаш Телпекбаеваның еңбегі мол екенін атап өткіміз келеді.

Асылы, аймақтық кітапхана Қасым рухын бір көтеріп тастады. Ал, ақынның есімі кітап ордасына берілсе, сол рух аспандай түсетін бе еді?!

Дулат АМАНЖОЛ.

ҚАРАҒАНДЫ.